

9. oktober 2013

UKA 2013/22  
Evelyn Frederiksen

**Nunat Avannarliit Killiit Siunnersuisoqatigiiffiata kaammattuutit aalajangersaanik nr. 2/2012-imik, ataani allassimatut oqaasertalimmik, Inatsisartut tapersiinisaaannik Inatsisartut aalajangiiffigisassaattut siunnersuut: Nunat Avannarliit Killiit Siunnersuisoqatigiiffiata Savalimmiuni Naalakkersuisunut, Kalaallit Nunaanni Naalakkersuisunut Islandimilu Naalakkersuisunut kaammattuutigaat apeqqutit issittumut tunngasut eqqarsaatigalugit nunat suleqatigiinnerannik sakkortusaanermik aallartitseqqullugit, kiisalu suliassa qarfinni nunat ataatsimut soqutigisa qarfigisaanni taamatullu iloriusissioqarsinnaamut isumaqatigiissute qarfigisinnaasaanni Issittoq eqqarsaatigalugit nunat avannarliit killiit ataatsimut iloriusissioqarsinnaamut sulisuteqatigiiffiit. Siunnersuisoqatigiiffiup taamatuttaaq naalakkersuisut qinnuigaat nunani pineqartuni nunanut allanut naalakkersuisut akuttunngitsumik ukiumoortumik minnerpaamillu ukiut marlungorneri tamaasa naapeqatigiittarnissaannik apeqqutit issittumut tunngasut kiisalu apeqqutit allat nunat avannarliit killiit ataatsimut soqutigisa qarfigisaat oqallisigalugit. Ataatsimiinnerit taakku Nunat Avannarliit Killiit Siunnersuisoqatigiiffiata ukiumoortumik ataatsimiinnerinut atatillugu sapinngisamik ingerlanni arneqartassapput.**

(Aallartitat siulittaasuut Lars-Emil Johansen)

Siumumi isumaqarpugut Nunat Avannarliit Killiit Siunnersuisoqatigiiffiata nunani avannarlerni Naalakkersuisunut kaammattuuteqarsimanerat, issittoq pillugu nunat avannarliit suleqatigiinnerat eqqarsaatigalugu ataatsimut iloriusissioqqusineq pisariaqartoq.

Nunanut avannarlernut killernut suli pingaarneruvoq iloriusissamut suut ilaatinneqassanersut kissaatiginerlugit oqallisigalugillu ataatsimut katersuuffigigaanni. Qularnanngitsumik nukittoqutaasinnaavoq nunat matumani pineqartut pingasut qulequttat aalajangersimasut aallaavigalugit siunnersuuteqarsinnaasuuppata kissaatigisaminnik nunat avannarliit issittoq eqqarsaatigalugu iloriusissaannut ilaasussatut.

Ukiuni makkunani silaannaap allanngoriartornerata kingunerisaanik, nuna imartarpullu ussanneqariartuinnarnerani siumumi isumaqarpugut pingaaruteqarluinnartoq, nunat uagut-sinnut sanillersuussinnaasagut peqatigalugit ataatsimoorussamik iloriusissioqarsinnaasoq, ataatsimoorneq sunniuteqarsinnaanermut aqqummik qanillisaataasarmat. Island ullumikut periarfissaqareerpoq naalagaaffitut inissisimanermini oqariartuuteqarsinnaanermik naalagaaffitut, Kalaallit Nunaat Savalimmiullu qallunaat naalagaaffiata ataani inissisimanermikkut aqut takineq atorlugu oqariartuuteqarsinnaapput, taamaakkaluartoq Islandip, Kalaallit Nunaata Savalimmiullu ataatsimut sunniuteqarsinnaanerunissaat anguneqassappat, suleqatigiinneq ataavartoq pisariaqarluinnartoq.

Siunnersuisoqatigiiffiup naalackersuisunut kaammattuutaa ajornanngippat taamatut ataatsimiinnerit Nunat Avannarliit Killiit Siunnersuisoqatigiiffiata ukiumoortumik ataatsimiinnerinut atatillugu ingerlanneqartaqqullugit. Nunat avannarliit killiit ukiumoortumik ataatsimiittarneri pisortatigoortumik aaqqissuussaasareerput, taakkunungalu atatillugu nunanut allanut naalackersuisut naapisinneqartalerpata taava Siunnersuisoqatigiiffiup aamma sammineqartut pillugit naalackersuisunik naapeqateqarlunilu oqaloqatigiinnissinnaanissaa qularnaarneqassagaluarpoq.

Taamatut oqaaseqarluta Siumumi aaliangiiffigisassatut siunnersuut taperserparput.